

В Неделю всех русских святых

Ектения малая.

Свят Господь Бог наш: **во глас 1.**

Светилен осмогласника, 2-й:

Камень узрѣвша отвалѣн, миронѡсицы радовахуся, видѣша бо юношу седяща во грѡбе, и той тем рече: се, Христѡс восталъ есть, рцѣте с Петромъ ученикомъ; на гору приспѣйте Галилѣйскую, тамо вам явится, якоже предрече другомъ.

Слава, святых:

Подобен: Небо звездами:

В пѣснехъ восхвалимъ светила незаходима Руссїйскїя земли, тайнники Божественнаго Слова, Христа славяще, сихъ просветившаго и возлюбившаго и помощники намъ давшаго в скорби.

И ныне, Богородичен:

Свѣтомъ Лица Твоего огнезрачнаго страну Русскую озаривъ, Господи, и ныне во святыхъ Твоихъ, яко в лучахъ неизчетныхъ, не престаи озаряти насъ премудростию Твоею, яже есть Софїя Преименитая.

На хвалитехъ, Всякое дыханіе: во глас 1. И поемъ стихиры воскресны 4.

Стих: Сотворити в нихъ судъ написанъ, / слава сия будетъ всемъ преподобнымъ Его.

Поемъ Твою, Христѣ, спасительную страсть // и славимъ Твое Воскресѣніе.

Стих: Хвалите Бога во святыхъ Его, / хвалите Его во утверженіи силы Его.

Крестъ претерпѣвый, и смерть упразднѣвый, / и воскресый изъ мертвыхъ, / умори нашу жизнь, Господи, // яко единъ Всесиленъ.

Стих: Хвалите Его на силахъ Его, / хвалите Его по множеству величества Его.

Ада пленѣвый и человека воскресѣвый / Воскресѣніемъ Твоимъ, Христѣ, / сподоби насъ чистымъ сердцемъ, // Тебѣ пѣти и славити.

Стих: Хвалите Его во гласѣ трубнемъ, / хвалите Его во псалтири и гуслехъ.

на утрени

Боголѣнное Твое снисхожденіе славяще, / поѣм Тя, Христѣ. / Родился еси от Дѣвы, / и не разлучен был еси от Отца, / пострадал еси, яко Человѣк, / и волею претерпел еси Крест, / воскресл еси от Грѣба, / яко от чертога произшед, // да спасеши мир, Господи, слава Тебѣ.

Таже стихиры святых, глас 5.

Подобен: Радуйся:

Стих: Хвалите Его в тимпане и лице, / хвалите Его во струнах и органе.

Радуйся, Церковь Россійская вѣрная, / радуйся, княже благовѣрный Владиміре преславленный, / радуйся, Ольго избранная! / Вы бо есте ко Владыце всех / первейшии наши ходатаи, / и начальницы Православія, / и наставницы ко истинней вѣре. / Радуйся, всяко мѣсто, и страна, и град, / гражданы воспитавши Небѣснаго Царствія, / сии святая светила душам нашим явѣшася, / сии чудеса зарею, и дѣлы, и знаменіи просіяша мысленно во вся концы / и ныне Христу молятся // подати душам нашим велию милость.

Стих: Хвалите Его в кимвалех dobroгласных, хвалите Его в кимвалех восклицанія; / всякое дыханіе да хвалит Господа.

Радуйтесь, земли Русскія украшеніе, / Церкви нашей непоколебимое утвержденіе, / славо православных, / чудеса истѣчницы, / любви струи неистощимыя, / светильницы многосветлии, / Духа Святаго органи, / кротцыи и незлобви, / добродетельми украшенни, / человецы небеснии, земнии ангели, / Христа друзи искренни! / Того прилежно молитесь // подати вас чтущим велию милость.

Стих: Бог нам прибежище и сила, / Помощник в скорбех, обрѣтших ны зело.

Приидите, Небеснии предстателие наши, к нам, / вашего требующим милостивнаго посещения, / и избавите озлобленныя мучительскими прещеніи / лютаго неистовства неверных, / от нихже, яко пленницы и нази, гонимы есмы, /

В Неделю всех русских святых

от мѣста на мѣсто часто преходяще / и заблуждающе в вертѣпех и горах. / Ущѣдрите ўбо, прехвальнии, / и даруйте нам ослабу, / утолите бѹрю / и угасите ѣже на ны негодованіе, / Бѹга моляще, // подающаго ва́ми земли на́шей ве́лию мѣлость.

Глас 4.

Стих: Господь сил с нами, / Застѹпник наш Бог Иаковль.

Глас Евангельский услышавше / и апостольскою ревностию распалившися, / в наученіе неверных языков устремистесь, / богоблаженнии равноапостольнии / Кѹкше, Леонтие, Стефане и Гѹрие, / Германе Аляскинский, и святителю отче Никѹлае Японский, / и досточѹдный Иннокентіе, / великія Сибірскія страны апостоле / и просвещенія за морем сѹщих новых стран во Америке первоначальниче. / Темже со всеми прочими, / во благовѣстии Христове потрудившимися, // достойно убожаѣтесе.

Слава, стихира евангельская, глас 2:

С мѣры пришедшим яже с Маріею женам / и недоумѣваѹщимся, / како бѹдет им улучшить желаніе, / явѣся камень взят, / и Божественный юноша, утоляяй мятѣж душ их: / воста бо, глаголет, Иисѹс Господь. / Темже проповѣдите проповѣдником Егѹ, / учеником, в Галилею тещѣ / и видети Егѹ воскресша из мертвых, // яко Жизнодавца и Гѹспода.

И ныне, глас тойже:

Преблагословенна еси, Богородице Дѣво, / воплощшим бо ся из Тебѣ ад пленѣся, / Адамъ воззвася, / клятѣ потребѣся, / Ева свободѣся, / смерть умертѣся и мы ожихом, / темъ воспевающе вопиѣм: / благословенъ Христѹс Бог, // благоволивый тако, слава Тебѣ.

Славословіе великое.

По славословіи тропарь воскресенъ точію: Днесь спасеніе мѣру бысть: Ектеніи и отпуст.

На часех тропарь воскресенъ. Слава: святым, И ныне: Богородичен часа. Кондакъ воскресенъ и кондакъ святыхъ пременяюще глаголемъ.



НА БОЖЕСТВЕННОЙ ЛИТУРГИИ

Антифоны изобразительные.

Блаженны воскресны 1-го гласа на 6:

Блажéни крóтцыи,/ я́ко тии насле́дят зéмлю.

Гне́дию изведе́ из ра́я враг Ада́ма,/ Кресто́м же разбо́йника
введе́ Христо́с вонь,/ помяни́ мя, зову́ща, // егда́ приидеши
во Ца́рствии Твоéм.

Блажéни а́лчущии и жа́ждущии пра́вды,/ я́ко тии насы́тятся.

Покла́няюся Страсте́м Твои́м,/ славосло́влю и Воскресе́ние/
со Ада́мом и разбо́йником,/ со гла́сом све́тлым вопию́ Ти:/ по-
мяни́ мя, Го́споди, // егда́ приидеши во Ца́рствии Твоéм.

На 8: Блажéни ми́лостивии,/ я́ко тии поми́ловали бу́дут.

Распя́лся еси́, Безгрéшне,/ и во Грóбе положи́лся еси́ во́лею,/
но воскрeсл еси́, я́ко Бог,/ совоздвигнувший Себе́ Ада́ма,/ по-
мяни́ мя, зову́ща, // егда́ приидеши во Ца́рствии Твоéм.

Блажéни чи́стии се́рдцем,/ я́ко тии Бо́га у́зрят.

Храм Твой телeсный/ триднeвным воскрeсивый погребeни-
ем,/ со Ада́мом и и́же от Ада́ма/ воскрeсил еси́, Христé Бо́же;/
помяни́ нас, зову́щих, // егда́ приидеши во Ца́рствии Твоéм.

Блажéни миротвóрцы,/ я́ко тии сы́нове Бо́жии нареку́тся.

Миронóсицы приидóша, пла́чуща, на Гроб Твой, Христé
Бо́же, зело́ ра́но/ и в бeлых ризах обретóша Ангела седя́ща:/
что и́щите? зову́ща. // Воскрeсе Христо́с, не рыда́йте прóчее.

Блажéни изгна́ни пра́вды ра́ди,/ я́ко тех есть Ца́рство Небéсное.

Апóстоли Твои́, Го́споди,/ на го́ру, а́може повелeл еси́ им,
прише́дше, Спа́се,/ и Тя ви́девше, поклони́шася, // и́хже и послал
еси́ во язы́ки учи́ти и крестити́ я.

В Неделю всех русских святых

Блаженны святых, глас 8:

На 4: Блажени есте, егда поносят вам, / и ижденут, и рекут всяк зол глагол, на вы лжуще Мене ради.

Не мечем нашим землю нашу наследихом, / но десницею Твоею и мущею Твоею, / и просвещением Лица Твоего, / и святых Твоих слезами, / подвиги и погы, кровью и учении // отечество наше утвердися.

Радуйтесь и веселитесь, / яко мзда ваша многа на Небесех.

Егда отступихом от Тебе / и заповеди Твоя преступихом, / тогда отринул еси ны и низложил еси ны, / и паче всех язык умалихомся, / но пощадй нас, Бже, Спасителю наш, // святых Твоих мольбами.

Слава, Троицен: О, Троице Пребожественная, / уврачуй болезни и скорби наша, / воздвигни дух наш от лени и сна греховнаго, / да достойни будем отец и братья наших, / подвиги своими // в земли нашей имя Твое прославльших.

И ныне, Богородичен: Расточенныя собери, / отлученныя возврати, / отпавшия от веры Православныя обрати, / плачущия и скорбящия утеша, / земли наша подвижшия сокрушение исцели, Благодатная, / со святыми соотчичи нашими // Бога о нас умоляющи.

Входное: Приидите, поклонимся: Спаси ны Сыне Божий, воскресый из мертвых:

Тропарь воскресен, глас 1:

Камени запечатану от иудей / и воином стрегущим Пречистое Тело Твое, / воскресл еси тридневный, Спасе, / даруяй миру жизнь. / Сего ради Силы Небесныя вопияху Ти, Жизнодавче: / слава Воскресению Твоему, Христе, / слава Царствию Твоему, // слава смотрению Твоему, Едине Человеколюбче.

И святых оба тропаря.

Глас 8:

Якоже плод красный Твоего спасительнаго сеяния, / земля Российская приносит Ти, Господи, / вся святые, в той просиявшия. / Тех молитвами в мире глубоче // Церковь и страну нашу Богородицею соблюди, Многомилостиве.

на Божественной Литургии

Глас 4:

Иерусалима Вышняго гражданы, / от земли нашея возсиявшия / и Богу во всяцем чину и всяким подвигом угодившия, / приидите, воспойм, вернии: / о, всеблаженнии земли Российския заступницы, / молитесь ко Господу, / да помилует сию от гнева Своего, / исцеляя сокрушение ея, // и верныя люди Своя утешит.

Кондак воскресен, глас 1:

Воскрёсл еси, яко Бог, из Гроба во славе / и мир совоскрёсил еси, / и естество человеческое яко Бога воспеваёт Тя, и смерть исчезе; / Адам же ликует, Владыко, / Ева ныне, от уз избавляема, радуется, зовущи: // Ты еси Иже всем подаё, Христё, Воскресение.

Слава, кондак святых, глас 3:

Подобен: Дева днесь:

Днесь лик святых, в земли нашей Богу угодивших, предстоит в Церкви / и невидимо за ны молится Богу. / Ангели с ним славословят, / и вси святии Церкви Христовы ему спразднуют, / о нас бо молят вси купно // Превечнаго Бога.

И ныне, кондак храма Богородицы или Успения Богородицы, глас 2:

В молитвах неусыпающую Богородицу / и в представлениях непреложное упование / гроб и умерщвление не удержаста: / якоже бо Живота Матерь / к животу престави // во утробу Вселивыйся Приснодевственную.

Таже, Трисвятое.

Прокимен воскресный, глас 1: Буди, Господи, милость Твоя на нас, / якоже уповахом на Тя.

Стих: Радуйтесь праведнии о Господе, правым подобает похвала.

И святым, глас 4:

Святым, иже суть на земли Его, / удиви Господь вся хотения Своя в них.

Апостол к Римляном, зачало 81 от полу. И святых апостол ко Евреом, зачало 330.

В Неделю всех русских святых

Аллилуия, глас 1. Стих: Бог да́й отмщѣние мне, и покоривый лю́ди под мя.

И святых, глас 4: Бо́же, ушима́ нашими услы́шахом, и отцы́ наша возвести́ша нам.

Евангелие воскресное от Матфея, зачало 9, и святых Евангелие от Луки, зачало 67. И по чину Божественная Литургия Иоанна Златоустаго.

Причастен воскресен: Хвалите́ Го́спода с Небѣс, хвалите́ Его́ в вы́шних. **И святых:** Благоволи́т Го́сподь в лю́дех Свои́х и вознесѣ́т кро́ткия во спасѣ́ние.

По заамвонной молитве исходим ко иконе праздника, поюще тропарь святых, глас 8: Якоже плод: Слава, кондак святых, глас 3: Днесь лик святы́х:

И ныне, Богородичен, глас 3:

Богородице, христи́аном Помощнице, / Твое́ предста́тельство стяжа́вше, раби́ Твои́, / благодарно Тебе́ вопи́ем: / ра́дуйся, Пречы́стая Богородице Де́во, / и от всех нас бед Твои́ми моли́твами всегда́ изба́ви, // Еди́на вско́ре предста́тельствующая.

Посем чтется молитва на благословение колива и краткая молитва ко всем святым земли Русския. (Аще не совершалось Последование молебнаго пения, чтется по Литургии полная молитва ко всем святым земли Русския, зри стр. 52).

Молитва ко всем святым земли Русския

Всеблаже́ннии и богому́дрии уго́дницы Бо́жии, по́двиги свои́ми зе́млю Ру́сскую освятивши и телеса́ своя́, яко́ се́мя ве́ры, в ней оста́вльшии, душа́ми же свои́ми Престо́лу Бо́жию предстоя́щи и непреста́нно о ней моля́щиися! Се ны́не, в день о́бщаго ва́шего торже́ства, мы, грѣшнии, ме́ньшии бра́тия ва́ши, дерза́ем приноси́ти вам си́е хвале́бное пѣние. Велича́ем ваша вели́кия по́двиги, духо́внии во́ини Христо́ви, терпѣнием и му́жеством до конца́ врага́ низложившии и нас от прѣлести и ко́зней его́ избавля́ющии. Ублажа́ем ва́ше свято́е жити́е, свети́льницы Божѣ́ственнии, све́том ве́ры и добродѣ́телей светя́щиися и на́ша умы́ и сердца́ богому́дренно озаря́ющии. Прославля́ем ва́ша вели́кая чудеса́, цвѣти райсти́и, в странѣ́ на́шей се́верней прекра́сне процвѣ́тшии и арома́ты дарова́ний и чудес́ повсю́ду благоуха́ющии. Восхваля́ем ва́шу богоподража́тельную любóвь, предста́телие на́ши и покрови́телие, и,

на Божественной Литургии

уповающе на по́мощь ва́шу, припа́даем к вам и вопи́ем: вси святи́и сродни́цы на́ши, от лет дрéвних просия́вши и в послéдния дни подви́завшиися, явлéнии и неявлéнии, вéдомии и невéдомии! Помяни́те на́шу нéмощь и уничи́жение и моли́твами ва́шими испроси́те у Христа́ Бо́га на́шего, да и мы, безбéдно преплы́вше житéйскую пучи́ну и невредíмо соблю́дше сокрови́ще вéры, в пристáнище вéчнаго спасéния дости́гнем и в блажéнных обителéх Горняго отéчества вку́пе с ва́ми и со всéми угодíвшими Емú от вéка святи́ми водворíмся благодáтию и человеколю́бием Спаси́теля на́шего Го́спода Иису́са Христа́, Емúже со Превéчным Отце́м и со Пресвяты́м Ду́хом подобáет непрестáнное славослóвие и поклонéние от всех твáрей во вéки веко́в. **Ами́нь.**

По молитве поем величания Пресвятей Троице, Богородице и святым (зри стр. 17). Поемым величанием сим, бывает целование иконы праздника. Посем: Бúди íмя Господне: Псалом 33 и прочее Литургии.

На отпусте поминаем: свята́го равноапóстольнаго вели́каго кня́зя Влади́мира и всех прóчих чудотворцев, в земл́и Росси́стей просия́вших:

Лик: Вели́каго Господина:

И бывает многолетие: Благодéнственное и мирное житиé: и присоеди́няем прошение сие:

Христиа́нскаго благоче́стия ревни́телем и защи́тником Христо́вы Цéркве и всем правосла́вным христиа́ном пода́ждь, Го́споди, тиши́ну и благодéнствие, и изоби́лие плодо́в земны́х, и мно́гая léта.

Лик: Мно́гая léта: и стихи:

Утвержде́ние на Тя наде́ющихся, / утверди́, Го́споди, Цéрковь, / ю́же стяжа́л еси́ // Честно́ю Твое́ю Кро́вию.

Под Твою́ ми́лость прибега́ем, / Богоро́дице Де́во, / молéний на́ших не прéзри в ско́рбех, / но от бед изба́ви нас, // Еди́на Чи́стая и Благословéнная.

Пресвята́я Богоро́дице, спаси́ нас.

Вси святи́и земл́и Ру́сския, моли́те Бо́га о нас.

